

事紀

史記首本紀索隱曰紀者記也本其事而記之正義曰紀者理也統理眾事繫之年月名之曰紀我縣舊志列事紀一門用意甚善自設縣以來歷千餘年建設廢興之役兵疫水旱之災何可勝紀今第據舊志所載分別掇輯益以見聞所知採訪所得並叅稽私家著述鄰封志乘薈萃成篇編年紀月以清眉目其事關全國全省者當歸之國史省志未置縣以前事實詳著柳志不具錄至天文五行災祥事應之說前賢已著論其非茲亦不及焉作事紀

宜章縣志

第七卷

事紀

一

隋煬帝大業十三年丁丑羅川令蕭銑起兵稱梁王旋稱帝於荊州改元鳴鳳據有郴州復稱桂陽郡析郴縣南鄉置義章縣唐高祖武德七年廢義章入郴八年復置

周武后長壽元年分義章地置高平縣

明皇開元二十二年廢高平徙義章於高平廢縣

即今縣治地

代宗大曆十三年黃岑山崩壓死數百人

南漢劉晟僞乾和九年遣內史潘崇徹敗南唐李景兵於義章陷郴州伏屍八十里

宋太祖乾德二年九月遣潘美等攻南漢郴州克之

宋太宗太平興國元年改義章爲宜章以避太宗匡義御名故

仁宗慶歷三年桂陽監蠻獠內寇詔發兵討之

宋史蠻獠者居山谷間其山自衡州常寧屬於桂陽郴連賀韶數州環行千餘里蠻居其中不供賦役謂之獠人初有吉州巫貢捉鬼與其兄弟數人皆習蠻法往來常寧出入溪崙誘結蠻眾數百人盜販私鹽殺官軍逃匿峒中既招出而復殺之又徙山下民他處至是其黨遂合五千人出桂陽藍山華陰峒害巡檢李延祚潭州都監張克明事聞擢楊畋提點刑獄督清理事久之不克遂詔湖南轉運使郭輔之等招撫之既而屢撫屢叛知桂楊監宋守信奏發大兵討之蠻遁入郴州黃莽山依山自保

## 宜章縣志

### 第七卷

事紀

二

高宗紹興元年宜章縣李冬至二作亂犯郴州三月荆湖路安撫使向子諲說降馬友與共討李冬至二平之 八月知鄂州曹成掠湖西犯沅州退屯瀏陽安撫向子諲軍安仁遣使招降又遣將西扼衡陽南守宜章成逡巡不敢南向子諲單騎入賊中諭降成執子諲去

二年曹成釋向子諲犯郴州永興縣詔以岳飛知潭州兼荆湖東路都總管成聞飛至即遁飛追破於賀州遣別將張憲自賀連徐慶自邵道王貴自郴招降者二萬與飛會連州進兵追成時江西安撫使韓世忠提兵豫章遣使招成成詣世忠降

黃沙太平

墟留  
有營壘遺蹟  
詳見臨武志

十年十一月宜章峒民駱科作亂寇郴道桂陽各州詔發大兵討之獲駱科

蠻傳事在九年茲從本紀

駱科餘黨歐幼四等復叛據藍山寇平陽縣遣江西兵馬都監程師回討平之

孝宗乾道元年宜章峒賊李金作亂田寶楊欽連戰破之追至莽山賊黨執李金以降

李金作亂知潭州安撫使劉珙移書制史沈介請以便宜出師介遣將田寶楊欽以兵至珙知其疲發夫數程外代其負任犒賜過望軍士感奮下令募賊徒相捕斬詣吏者賞欽與寶連戰破賊追至莽山賊黨執李金以降

## 宜章縣志

### 第七卷

事紀

三

又宋史載是年李金作亂陷郴州焚桂陽軍州將棄城走衡州調常寧兵救之弗克世忠峒李昂霄率壯兵禦賊平之昂霄以功補承節郎

孝宗淳熙五年宜章始建學八年縣令雷濂修學宮

宋史本紀八年四月立郴州宜章桂陽軍臨武縣學以教峒民子弟

十二年縣令吳鎰重修學宮給廩養士

寧宗嘉定五年旱多疫

理宗寶慶三年春夏大旱

理宗紹定六年鄧李二酋倡亂知郴縣兼幹辦公事趙希逾討

平之

蒙巖石刻云紹定六年春正月湖南帥寶學侍郎余嶸聞宜章寇警檄知郴縣兼幹辦公事趙希逾以十月乙卯領兵招捕癸酉追戮鄧李二酋斬首六百有奇俘五十釋戈請降之人三千大犒師徒弢箛而東勒石仙館以志歲月

理宗端平二年縣令趙希逾遷學宮於城外景星觀右

理宗景定五年大旱元攻荆襄羣盜乘釁而起

度宗咸淳元年元至正二年春旱

元世祖至元末縣境四鄉寇起屠戮殆盡

明太祖洪武二年郴州寨長羅福作亂縣境戒嚴

### 宜章縣志

#### 第七卷

事紀

四

九年設宜章守禦千戶所領兵八百三十七名

十九年設里田堡大有年

二十三年苗賊譚應貞杜回子冒阿孫等作亂

二十七年廣東連州長塘馬羶賊出糍粑嶺羅陽峒劫掠縣境

十四都十七都

二十九年設黃沙栗源二堡調茶陵衛官軍築城戍守之

成祖永樂三年大饑宣宗宣德四年贛寇蕭彥貞等作亂犯境旋遁去

英宗正統四年苗賊譚應貞杜回子餘黨肆劫設笆籬堡調郴州千百戶各一員領軍築城防禦

六年知縣馬經遷建學宮於城內縣治西

十四年八月十五日兵部尙書鄺埜广田宅地震凡三日乃已  
泉流紅如血是日公殉土木之難英宗天順八年廣西流寇陷  
桂陽州城湖南都指揮柴正追賊至順頭嶺大破之

柴正時由靖州晝夜兼行七日追賊至順頭嶺嶺爲宜臨與  
粵分界處舊志又載是年廣西流賊劫城城多圯

憲宗成化八年都御史吳琛奏調茶陵衛後所官軍戍守縣城  
知縣劉寧增築城垣鑿湟池

城週五里三分高二丈五尺厚一丈隍闊二丈深四尺串樓  
五百零二間

## 宜章縣志

### 第七卷

事紀

五

二十二年大疫

孝宗宏治二年大有年

武宗正德二年正月大水衝塌西南城垣壞民居田塘秋復蝗  
是年知縣莫汝器遷建學宮於縣治東五步

三年知縣邱雲漢重修城垣築南北月城

邑尙書鄧庠謀於縣令申請南贛御史周於三星橋白沙司  
白石渡抽分重砌基用大石上用大甓南北門築月城外築  
三關開城門四

冬十一月羣鳥飛蔽天其聲如雷時苗寇陷永興寧兩縣五  
年改郴桂守備駐宜章

時靖州衛指揮盧震遷守備改駐於縣

十二年猺酋龔福全結粵寇倡亂攻陷鄰縣湖廣巡撫御史秦金南贛巡撫都御史王守仁會剿平之

時莽山西山笠頭洞賊首龔福全李斌梁柏桂陽延壽等連結粵寇及峒賊高仲劉福興李仁才劫掠州縣郴桂守備劉寬生擒賊首陳玉等起致仕守備鄧旻督兵至雙魚嶺戰死都御史秦金贛撫王守仁調三省土漢官兵會剿破其寨柵九十擒龔福全李斌等斬其僞總兵劉福興李仁才俘三千人始平

按雙魚嶺在汝城縣

十五年正月有烏雲如車輪擊逐空中自辰至巳歷兩時始滅

## 宜章縣志

### 第七卷

事紀

六

世宗嘉靖十六年平和大水田廬漂没人多溺死

十七年平和粟山廣七八里竹梢生米如稷

二十一年疫

二十三年旱蝗大饑

二十五年大有年

四十年知縣陳傅堯遷學宮於縣治西

正統中知縣馬經改徙於城內縣治西正德間知縣莫汝器徙於縣治東五步至是復徙於正統時舊基之北

城南大水三星橋圯知縣陳傅堯甃石重建

大羅山寇入長寧鄉民受其害指揮李思堯建議召募殺手防

禦

四十一年峒寇出沒無常郴桂守備建議各州縣添募殺手防禦

四十二年粵寇入成江渡指揮吳時春督兵大破之於笆籬堡曹家山 夏大水

穆宗隆慶元年知縣黃應芳建立名宦鄉賢二祠

大羅山寇復亂秋調回瞿塘衛軍知縣黃應芳設土兵一百名時興寧峒寇黃積珠等始經南贛都御史陸穩剿平是年春桂陽縣峒賊復亂故調回哨軍召募土軍

二年大有年

### 宜章縣志

### 第七卷

事紀

七

五年知縣陳憲遷學宮於縣治東

神宗萬曆十六年旱蝗

十七年大旱饑

三十六年七月郴州礦賊起

四十三年知縣劉珍復徙學宮於縣治西

四十五年十一月太白經天蚩尤旗見東方白氣如練長竟天懷宗崇禎三年六月太白經天

八年正月日光摩盪不定黃霧四塞饑

九年臨藍礦賊亂

邑人王可憲臨藍礦徒三犯宜章記畧曰崇禎八年乙亥臨

武藍山饑坑徒起釁平倉嘉桂常新在在效尤勢同鼎沸當事憫其迫於饑寒置勿究其勢益張焚劫邑之大黃家大園數村邑侯楊本厚秘上書當事言臨藍夥賊燎原勢成必爲湖南大患後果結西莽九峯諸獍猖嘯聚萬計始犯郴桂繼犯祁常犯衡長犯湘攸并袁吉昌韶咸被其害宜近賊巢害尤劇邑侯楊本厚守備吳大鼎有備賊前後三犯皆無恙一從九閩冲殺探子李宏誨夜到南塔下探知城內已厲兵秣馬以待遂宵遁一從大水洞出章橋探知縣中有備遂走平和南過樂昌圍韶州不克出仁化薄桂陽縣自里田堡赤石司西向不虞官渡橋折舟藏不能濟又自平和出饒田欲甘

## 宜章縣志

### 第七卷

事紀

八

心於縣信宿章橋邑侯楊陰遣壯士數十人夜奪賊馬賊氣餒詰朝至五里亭渠魁登縣後山眺虛實城內外寂然無聲知不可攻遂以紅旗麾衆西走出广田趨塘灣勢若常山蛇然當是時桂陽州尙未解圍楊令知告急乞師於上無益急號召臨武縣四十八廟鄉兵果至約賊出塘灣至龍村時鄉兵角其前宜章兵犄其後次日鋒三交殺賊數十人始解後因劫破衡湘兩縣衡藩震驚聞於朝詔巡撫偏沅都御史陳睿謨督師檄四省會剿三監軍三監紀暨廣贛將若兵雲集宜章不下六七千人糗糧屨屨咸取給於縣上湖南兵巡道李嵩以監軍至率師先進至牛屎塞墜馬幾殆解其衣上下



俱書湖南兵巡數字意在效死疆場也衆感奮與賊力戰敗之  
凡臨藍嘉新各縣賊巢悉深入擣爲自乙亥至戊寅歷四年始  
平

十年正月日光摩盪

十三年地震

十六年疫五月日將西見青氣氣原作龍二道撐日脚廣各可二丈

許

九月流賊張獻忠陷衡郴各屬遣僞官蒞任十二月韶州推官  
黃某領粵兵恢復 冬自虹見西南長竟天

清順治四年夏五月清將平南大將軍恭順王孔有德等領大

### 宜章縣志

#### 第七卷

事紀

九

兵至郴宜章始入版圖

時粵寇犯縣城守備孫光榮力戰被執不屈後死於粵

六年正月闖賊餘黨一支虎

唐即李自成姪李錦賜名赤心

敗遁過郴殺戮

甚慘三月清和碩鄭親王從衡率兵晝夜追之至縣境鼓樓嶺  
而還

八年三月明副總兵曹志健

省志作建

陷黃沙笆籬兩堡

先是順治二年江西叛僕構難副總兵曹志健統兵萬餘由  
寧遠進剿四年冬復來據郴五年據龍虎關自稱公爵委換  
衡永郴桂各官六年旋入縣境劫掠黃沙笆籬二堡殺戮傷  
慘甚於流賊清兵圍之莽山蕨子坪糧盡盡殲之

八月譚王鄉民引廣東梅花遼水賊陷栗源堡宜章營叅將高成旦大破之復栗源堡

八月梅花遼水賊陷栗源堡以數千人間道襲縣城叅將高成旦先設伏羅家觀隘口邀其歸路自率隊鏖戰賊敗退伏兵起五里冲殲其眾過半因進兵恢復栗源堡賊逼河爲陣成曰躍馬先過敗之焚其箭樓賊死傷殆盡因復譚王地方更逾逕口進逼賊巢萬古金城賊計窮乞降亂始平

九年六月孫可望部李定國至道州宜章聞風奔潰十一月清定遠大將軍敬謹親王尼堪等克衡州宜章納款

十年立宜章營設參將中軍守備等官領經制兵一千名駐縣

## 宜章縣志

### 第七卷

事紀

十

城兼轄郴州永興汛地

順治四年宜章設兵三百名以守備統之兼防郴屬各縣及臨藍嘉三縣九年守備牛燦申請經畧洪承疇題請分立宜章兩桂臨藍凡三營至是始設參將等官增兵額

十二年知縣張思正遷學宮於縣治東

十四年大水

十八年八月初九日申時大星見長可數丈小星從之白氣如練起於西南向北疾走有聲

康熙三年蝨秋九月有星如帚長數丈凡五十餘日始沒

九年長星見西方倏變草篆一行西墜

十三年春滇藩吳三桂叛陷衡州宜章官吏遣人納印乞降  
十六年平和大水夏六月吳三桂遣僞將軍胡國柱王會馬三  
寶李徐等攻韶州道經縣境索糧派夫敗還大掠十二月清貝  
勒額楚取宜章郴永

十七年饑吳三桂僭號衡州四月清兵由廣西克復郴桂宜永  
臨藍諸縣

按郴州志載三月征南將軍穆詹統領大軍由安仁間道至  
郴僞知州劉漢翼遁走與省志不同茲從省志詹省志作占

二十三年大有年知縣鹿廷瑛重修城垣

二十五年有年

### 宜章縣志

### 第七卷

事紀

十一

二十八年疫

三十二年大有年

三十五年知縣蔣宗芝遷學宮於縣治西

三十六年大水

四十年春旱

四十一年饑次年復饑

自正月不雨至於六月後得雨三日晚禾成熟饑而不害

四十三年春三月莽山賊寇郴州宜章營把總余奇死之

賊夜至魯塘殺人九月又出默坪擄掠余奇率兵於萄竹源  
截阻中礮死賊剖心肝去

四十七年大有年

五十六年平和大水

雍正元年春正月大雪凡四旬冰厚盈尺樹木多折

夏四月榜山清明秀氣成彩輝映山谷

二年大有年

九年知縣胡星建新南門

十年夏四月广田大水

十二年大有年次年大熟

乾隆元年大有年

五年白沙梅田水溢損民居十之四

宜章縣志

第七卷

事紀

十二

八年秋彗星見東方

九年大有年

十一年饑斗米銀四錢

十二年四月九日夜半有白光如練起西南隅流向西北至空

中聚爲五色震響一聲乃散

十三年大疫

十六年大水三星橋圯

十八年大有年次年大熟

二十年夏四月霪雨城西山裂水湧平地深七八尺傷民屋田  
禾甚衆

二十一年大有年

二十二年旱

三十年饑

郴及各縣皆饑斗米錢四百文零民多食草根樹皮知州趙由仁捐俸賑米鄉民賴以存活

四十一年夏六月二十四日大水北城圮越五日有虎入城噬民犬

時南城不沒者三版北城圮水中有數物如牛戴角衝波鼓浪而南攝縣事董令取縣治頭門并己衣服投之勢稍殺

縣東赤石萬壽橋圮白清黃甲一帶民房衝塌溺死者無算

### 宜章縣志

#### 第七卷

事紀

十三

广田楊家墜清溪山章橋水皆從平地湧出色青黑其寒透骨壞民田廬墓甚衆

四十二年夏六月二十六日地震有聲次日復震

四十三年春三月初七日地震

四十七年秋九月地震有聲十二月二十日復震是年知縣曾衍蕃遷學宮於景星觀前

五十一年旱次年復旱饑民掘草根樹皮爲食

五十四年有星如斗自西至東墜其光如炬是年大疫

五十五年永平鄉麥秀兩岐七月太平長寧二鄉大水傷稼冬

十二月二十四日大雨雪

六十年春二月二十八日永平鄉鄜溪江厚二保雨如墨汁  
嘉慶三年春二月十九日鄜溪保雷風拔木

八年冬十二月永平鄉桃李實桐華野竹抽筍

九年春正月二十二日雨雹大小不一碎之中皆深碧色

十三年夏四月初一日大雨雪

十四年春正月初六日雨黃雨城野皆徧色如卵黃浮水面凝  
結不散膏膩霑手

十五年秋八月有星如帚見於西方數月方沒九月初三日夜  
遼水泛漲至栗源堡城下逆流入長樂水十餘里壞民居甚眾  
十九年閏二月大雪無麥夏四月螟半月始盡是歲復有年十

### 宜章縣志

### 第七卷

事紀

十四

一月黃沙笆籬栗源三堡有鳥如鳧雁千百羣飛鳴聲如雷秋

蕎多傷捐

以上錄舊志

道光六年丙戌各鄉士紳倡捐設尙義局供給教諭訓導兩署

印卷費

按據採訪稿云尙義局創立道光時饒田楊氏譜則云光緒七年倡捐印卷費蓋事始道光至光緒時始

定案設局也

教官俸薄不足養廉取給於文武新進生員印卷費視其貧  
富而上下之或多至數百金寒峻苦之郴州有崇義堂桂陽  
州有賓興堂皆爲印卷費而設我縣聞風而起募捐設局六  
團各設一局名曰尙義局月繳兩學制錢各八十串學書門  
斗各有沾漑各局分認成數而總其事於近城局紳各區產

款實基於此是爲今日六區界劃之嚆矢  
十一年十二月江華獠趙金龍反於錦田本縣獠人多赴之獠  
族因以削弱

時湘粵痞徒結天地會專行詐索獠人獠訟於官不得直獠  
巫趙金龍倡言復仇與常寧獠巫趙福才趙金鳳糾衆反陷  
藍山江華各縣永州鎮及營縣兵皆敗常德提督海凌阿寶  
慶協將馬韜率兵輕進遇伏死湖廣提督羅思舉貴州提督  
余步雲率大軍剿平之

二十年庚子早知縣王雲栽禱雨良巖有應冬十月日光照地  
如血

### 宜章縣志

#### 第七卷

事紀

十五

二十六年丙午夏旱兩月無雨大饑辦賑次年復大饑

三十年庚戌夏五月大雨石虎山桃株峯發蛟水是年洪秀全  
起兵廣西

咸豐元年辛亥丐婦王蕭氏聚眾作亂撲思仁均駐卡守備趙  
鴻賓等死之營縣剿獲王蕭氏餘黨悉平

王蕭氏在粵倡立沙鉢會傳徒聚眾轉掠曲江陽山等縣八  
月初六日撲莽山思仁均駐卡守備趙鴻賓千總張凌雲把  
總杜瑞額外唐學往剿軍次莽山天塘灣塘房嶺匪突至倉  
卒不及禦同時死匪至腊園背陳家飽掠去營縣督兵追剿  
獲王蕭氏及其黨數十人誅之

二年壬子秤架坪溪匪入寇莽山團勇敗之擒數十人

賊首鍾日麟號稱太陽軍師與其黨張坤作謝落花李東作等攻陷陽山邊境告警湘撫駱秉章檄辦團練頒發莽山永安團鈐記團紳黃道傳黃榮藻劉道南黃炳燦鍾秀春等率兵勦匪擒三十餘名解縣並焚燒炭山紙棚數十處

五月洪部張三泰入犯莽山團勇擊敗之擒三泰及其餘黨張三泰統匪萬人入據莽山上洞行營叅將李輔朝檄笆籬各團堵截笆籬勇守趙家壩永福勇守懶人壁莽山勇守東山橋合兵大戰敗之追至龍頭坑擒三泰餘黨悉平

七月洪秀全陷郴州擬南犯聞摺嶺有大軍堵截遂北下攻長

## 宜章縣志

### 第七卷

事紀

十六

沙

洪部自廣西順流北下爲江忠源擊敗於永州之蓑衣渡乃繞道寧遠桂陽七月陷郴州擬南犯我縣知縣王宏謨布疑兵於摺嶺洪疑有備遂北下永興安仁醴陵攻長沙

三年癸丑洪秀全據南京號太平天國稱天王

九月英德黃十八賀五等率匪萬人入據黃沙堡粵將黃曜吉及漿水勇擊走之

黃十八賀五等假洪軍旗幟率匪萬人入據黃沙堡漿水鄉勇八百人往堵之十月初二日由大園趨塘尾與匪遇會粵將都司黃曜吉亦由杉木山率兵馳往合兵進剿大破之匪



潰退莽山

四年甲寅七月粵匪至白石渡小章團勇禦之於雷打石見賊卽潰匪疑爲誘兵遁回粵境

楊因培亂事記載咸豐四年七月二十一日賊由坪石突至白石渡鄺家澗口歐陽潮等倡議堵賊會楊蕭鄧譚諸姓於下饒田集合四千餘人守八里牌雷打石涼亭賊鼓行上坳鄉勇驚潰賊至八里牌燒屋遇一風漢云小溪有官兵萬人時賊探三人先被鄉兵所殺不知虛實疑爲誘兵星夜遁還粵境八月初立局小溪造礮四尊十二月十二日賊復到坪石會城守蕭紹齡訓導彭行恭兵到因培亦會合蕭歐鄧蔣

宜章縣志

第七卷

事紀

十七

鄺曾劉各姓勇分紮於白石渡早禾田聲勢頗壯賊不敢入境於是各族共立合約取名小章團

十月賊由樂昌乳源入寇黃沙堡參將李輔朝知縣王宏謨團紳張選明敗之太平墟

是月二十二日粵匪七千人自順頭嶺入寇黃沙鷓鴣坪儲火藥昭德侯廟不火自焚官兵偵知進擊適周金城亦率兵至遂合戰於太平墟大敗之斬八百餘級追至連州而還十二月洪部別帥甘先自秤架入寇笆籬堡陷縣城

甘先統數萬人自秤架徑莽山入笆籬境鄉兵二千人禦之於關坳上甘部張兩翼漫山塞野而來鄉兵敗石匠武運澤

見事急獨立橋上以大礮轟擊賊稍卻鄉兵雖得撤退亦死八十餘人賊銜恨運澤追獲殺之碎其屍進陷郴宜

五年乙卯四月候補知州趙啟玉禦賊青草嶺敗績死之縣城陷參將李輔朝禦賊五里冲見賊即遁白沙巡檢謝德慶死之

趙啟玉管帶鄉勇防守仁化樂昌等縣收復桂陽縣四月匪由粵入寇其時調防軍候補道王鑫候補參將李輔朝分路防剿啟玉由塘村進拒賊於青草玉嶺二山間距王軍稍遠乞援於李輔朝不即至孤軍進戰越兩晝夜十六日昧爽管陷自刎死幫辦陳某同死士卒死者八百人啟玉知必敗事

### 宜章縣志

#### 第七卷

事紀

十八

先遣急足到城燒營以警市民以故得免於難感其忠烈立祠祀之

楊因培兵事記其畧曰五年正月十六日賊至塘村縣境震驚縣令陳公諭在小溪會議堵防以武生楊式金鄧千城分領團勇進防縣東時賊屯李兩界大墟距塘村十五里相持十餘日是時塘村附近白鄧張李數大姓合兵攻賊敗績月尾王培與葆生自縣白石遣南會鄺姓百人事督率團勇復紫兩界墟探報賊已遁歸粵境乃撤防是刺史趙啟玉駐十餘人團勇無恙旋賊被官兵急剿竄昌時趙啟玉駐兵豹嶺叅將李輔朝駐兵坪石偵知賊勢微合議入樂昌痛剿水龍裏趨坪石二十九日陷縣城

#### 五月清遠琶江匪首陳金剛入寇

陳金剛聯合秤架潭源洞匪盤踞莽山脅炭廠紙棚工人入

夥十七八等日笆籬團范步雲劉成等率團勇禦之糍粑嶺兵敗死三十人傷九人匪入堡城大掠半月始竄郴匪既去本堡添募鄉勇凡有田三畝者派穀五斗募勇千名由張選明統帶援郴

十一月我縣團勇援郴賊遁

楊因培兵事記其畧曰六月十九日郴州土匪王大才引賊自良田西小徑襲郴城踞之凡自粵北來之賊過我縣信宿卽去齊集郴州人數四五萬頭目數十人以何綠陳金剛爲最悍自良田以至郴城處處有匪營時傳言粵省援兵數千已抵坪石蓋粵省有潮勇五百人平樂勇二百人原奉命保

宜章縣志

第七卷

事紀

十九

境也郴秀才鄉黃廖各姓聞之以爲信然遂結合萬餘人白布裏頭一夜破良田萬歲橋走馬嶺賊營十餘處耀兵至八里牌而回郴城駐賊大震盡遁蘓仙嶺假是日長驅直入郴城唾手可得惜未竟全功也二十六日我鄉楊蕭歐鄧蔣團勇抵良田烏合雖眾實不可恃因請蕭城守紹齡到良田剿賊吾族湊集花銀二千元送青烟坪每包五元呼於衆曰殺一賊獎五元陣亡者卹倍之眾皆踴躍回紮良田肅城守亦至是爲二十七日次日同蕭玉修并邀黃廖諸姓會議摺嶺市在市設郴宜總團按糧捐輪得二萬金但無卽行繳出者我族受各姓借券代繳萬餘兩卽函蕭城守募勇得千人號

曰彪勇十月二日賊來水停江被彪勇團勇擊退余赴梅田尋著陳令秀芝陳募得盟勇二百人以其弟秀春統帶進紮摺嶺次日賊大隊至鋒銳甚戰歷辰巳二時蕭敗走適陳秀春帥盟勇至即同回殺賊大勝五日進戰萬歲橋敗回死九人秀春懼退屯摺嶺廬陵勇者麻田歐陽氏練勇也時駐摺市余陰助口糧勸其前進并激秀春隨去於是兵分三路彪勇廬陵勇當中路進紮萬歲橋縣城團勇佐之盟勇當東路駐水瀧裏東邊一帶團勇佐之良田巡檢鄭家牲軍勇八百名當西路進駐石界塘西邊一帶團勇佐之郴東西北三路有李參將輔朝田鎮台心恕王道台鑫並州牧戚天保所統

## 宜章縣志

### 第七卷

事紀

二十

兵兼各鄉團勇約數萬人惟南路兵單賊如南竄我縣難免蹂躪各姓捐貲四五萬金鄉不能保何以對父老爰詣坪石請到潮勇二百人駐萬歲橋初九日潮勇出戰彪勇廬陵勇並團勇隨之進抵走馬嶺潮勇果善戰大捷余又至坪石續請得潮勇三百人同駐萬歲橋賊退走郴城我師進駐昇仙舖潮勇亦至問蕭城守何往勇給以抵郴州殺賊潮勇遂拔隊前進時陳縣令在東路高山上遙見潮勇過香花隴賊隊更番前門俱敗回最後分左右股撲來潮勇遂敗猶整隊徐行適蕭城守兵至接應賊不敢窮追是役也潮勇亡十餘人自是頹喪遇賊輒操粵語問答斂兵而歸余恐其通賊給清

口糧撤回坪石西路鄭巡檢軍勇被賊敗撲營陣亡十餘名  
幸我縣張選明率箆籬勇至同紮西路箆籬勇之作戰也脫  
□圍腰頭戴藤笠手執刀牌進退便捷以一當十賊不敢窺  
西路至是彪勇抵昇仙橋日至香花隴邀戰互有勝敗我軍  
益憤二十四五兩日直抵郴南關賊恐二十五夜潛遁由鳳  
鄉德油山走桂陽州邊境復竄出我縣下鄉回粵我軍遂於  
二十六日收復郴城復追賊油山何祿授首按何祿之死  
傳聞互異應  
存疑奪獲玉印一顆元帥木印數十顆旗幟百餘張削耳數百  
婦女騾馬無算計我軍及彪勇軍勇並各團勇死四十八名  
餘多寡□差

宜章縣志

第七卷

事紀

二一

十二月粵匪陳金剛自郴南竄道出黃沙堡碕石團勇拒之敗  
村被焚

陳匪道出黃沙先遣人假道碕石彭周兩姓拒之陳匪不知  
虛實未敢進相持數日鄉勇不支死三十餘人村被焚擄去  
二十餘人放一人還□以檄文字作顏體大寸許有蠢爾彭  
敢以螳螂之臂當雷霆之車等語陳□竄廣西盤踞賀縣懷  
集富川等地自稱南興王後爲其部下所殺後段據懷  
集縣志  
六年丙辰五月漿水鄉兵敗賊金華山

是月十七日潰匪千餘人自郴南竄謀踞莽山漿水團勇要  
擊於年塘匪奔金華山圍殺幾盡金華山一名都嶺在年塘

上年塘山勢陡險卽明成化間烈女黃四姊殉節處  
十一月何祿部孟某由郴竄安源泗溪至鎖石鄉團合圍殺之  
是月二十五日孟某竄至泗溪其地有塞岡嶺右接昇仙橋  
極扼險要黃明亮率族人明月明鑑等伏楓樹坪要擊之斬  
百餘級賊奔鎖石鄉兵盡殺之  
十二月潰匪入寇白沙縣令率鄉勇擊之聚殲於萬安寺  
八年戊午連州匪寇黃沙堡胡國安擊破之湘撫檄道員張運蘭  
連州星子匪踞黃沙堡胡國安擊破之湘撫檄道員張運蘭  
副將張義貴踰境追剿魏喻義亦率師來會平星子賊壘毀  
白虎墟積年匪巢而還

宜章縣志

第七卷

事紀

二二

九年己未粵匪石達開自江西入寇陷縣城

時洪部僞翼王石達開與僞北王韋昌輝齟齬自南京擁衆  
十餘萬人徑江西入湘境二月初自桂陽縣出我縣里田參  
將鍾萬興禦之赤石司初七日敗退守官渡復敗同縣令吳  
清鵬出避下鄉縣城陷北趨郴州維時兩路司駐有陳善鎔  
所帶官勇廖賢彩所帶鄉勇不能禦陳遁瑤嶺廖被賊獲不  
屈死賊至良田分兵至丁公坳趣桂陽州我縣境自平阿至  
饒田無處無賊二十七日賊始去

節錄楊培兵事記

十月石達開別部復陷縣城

石部後隊於十月自江西入縣境叅將鍾萬興禦之於官渡

敗績縣城陷殺戮甚慘

十年庚申正月十日石部別股入犯赤石團紳李柱達禦於偏崗嶺敗績死之殉難者三十餘人

六月紅巾賊趙金龍

與道光時之趙金龍同名

夜襲縣境

賊自永州犯境殺戮甚慘上寮人黃雄光好遊俠精枝擊時匪已至龍村雄光黑夜策馬疾行警告沿途居民趨避至牛頭糞天甫曉以故居民得免於難

十月石達開部數萬人自藍臨入犯參將胡國安禦於高明鋪敗績死之縣城陷石部旋東竄

石部自道州折回藍山入犯縣境胡參將國安致於百子嶺

## 宜章縣志

### 第七卷

事紀

二三

扼守高明鋪石部仰攻不利次日由間道繞出其後以致腹背受敵有勸其逃避者叱曰吾抵禦須臾則民得免者不少敢惜一死乎使人諭居民避難師覆死焉國安治軍嚴秋毫不擾縣人立專祠祀之並於高明鋪刊立殉難碑

十一月清將江忠義陳士杰劉嶽昭楊安臣等追擊石部黃純熙自衡州馳進克復縣城

十二月仁化樂昌之匪迭擾汝城及我縣清將魏喻義楊安臣參將朱昇開張義貴擊却之

十一年辛酉春二月久雨

粵匪紀章生率股匪萬餘入犯黃沙笆籬時清將楊安臣魏

喻義席寶田江忠義周達武各營齊集我縣會師圍剿紀匪  
大恐棄械乞降遣散四千餘人其分竄乳源武陽司者追擊  
於坪石又降五千餘人均資遣回籍

七月耒陽亂民朱洪英在縣境被擒伏誅

耒陽人朱洪英煽亂黔桂邊境咸豐五年曾陷永明東安灌  
陽富川等城號鎮南王并散布偽劄稱帝號旋被官軍痛剿  
竄入我縣是年七月在縣境被擒伏誅

同治四年乙丑洪黨何祿一作何一入寇笆籬鄉勇擊敗之何祿伏  
誅

何祿自咸豐五年由郴潰竄後肆擾湘粵邊縣迭被官軍痛

## 宜章縣志

### 第七卷

事紀

二四

剿是年秋率潰兵萬人入踞黃沙笆籬團紳周士彬柳楷模  
宋英仰督鄉兵堵截於萬安寺敗之斬獲無算何祿被兵目  
賀何亨追擊馬陷溝坑何亨斬其首大如斗獲帥印旗幟繳

某叅將營某攘其功保擢鎮台

按藍山志咸豐五年王鑫擊  
敗何祿於清和墟新寧劉長

佑追斬之楊因培則云何祿授首於郴之油  
山均係咸豐五年記載歧異當以此為實錄

光緒三年丁丑武水長樂水俱漲成災

四年戊寅四月黃沙大水 秋潭源洞匪起黃沙戒嚴辦團練

七年辛巳近城南鄉大旱田禾盡槁

八年壬午彗星見東方兩月始沒

九年癸未大疫



十一年乙酉正月大雪彌月平地厚二尺山溪水面皆凍合

十三年丁亥大旱饑蕉溪發蛟水冲沒民房人畜無算

十四年戊子夏大水秋大疫死數千人

二十八年壬寅秋大疫死數千人

二十九年癸卯就養正書院創設高等小學校

六月初三日筮籬大水容家洞橋圯冲決橋壩隄岸無算赤石

旱

三十一年乙巳奉文停科舉

設勸學所於明倫堂以總董一人主其事

三十二年丙午春奉令裁教諭

## 宜章縣志

### 第七卷

事紀

二五

三十四年戊申野狼成羣傷人碕石一村小孩死者十六人他鄉被害者亦多擾攘經年始由七姑灘南去

宣統元年己酉預備立憲

京設資政院省設諮議局其議員各縣初選府州複選是爲我國民選議員之始

宣統二年庚戌四月彗星見數月始沒

三年辛亥日午見妖星移時沒

裁參將千總守備城守等官

裁訓導

設縣自治公所 設地方自治研究所

七月薄暮天氣晴朗空中雙月并懸相距尺許雲氣成彩其一漸淡而隱

八月十九日革命黨起義於武昌各省響應

秤架匪陳文燕率黨百餘人由潭源洞入劫笆籬峙冲范家劫掠一空鄉民追至楊桐江被反擊死十餘人縣城戒嚴

九月初旬明倫堂前古柏兩株樹杪火起濃煙籠罩入夜火光灼灼凡三晝夜乃熄枝葉青葱如故 城北後山夜間人聲鼎沸如有千百人呼號駐軍登北城放槍槍聲止人聲復起如是凡三夜

九月十一日縣人彭邦棟起義師入縣城彭遂良彭昭死之知

## 宜章縣志

### 第七卷

事紀

二六

#### 縣吳道晉逃

先是縣廩生彭邦棟留學日本入司盟會參加革命運動旋泰命回湘工作適同縣周正羣吳燮張清源留學省垣均加入是年春邦棟任本縣巡警局長陰行鼓吹革命彭遂良兄弟及張自得牛國英曹猷春陳森等陸續加入在武漢未起義之先周吳在郴得焦達峯密約響應星夜馳赴碣石彭村商起兵方畧議決舉兵先據縣城 正羣率笆離莽山兵清源率永福永靖兵會師百歲亭進攻巖泉墟奪駐軍槍枝十二日晨行抵城南賀家冲吳家時吳燮已募集六百餘人公推邦棟爲南路分巡以周張吳三部爲先鋒遂良兄弟爲後

應分道入城知縣吳道晉哨官周得陞不敢抗遂屯城中與牛國英等定計取郴桂道晉初首鼠兩端旋得其叔湖南提學使慶墀函遂變計抗拒邦棟得訊赴署遂良清源等率隊兵以從甫入署槍聲起邦棟清源踰牆走遂良中彈死堂下昭死堂上隊兵李思忠死其側陳子實死西階下道晉見肇禍由北門遁走遣兵追擊殺其殿後兵數名截得餉銀四擔事甫定衡州道署委謝驤墀來攝縣事都督譚延闓以清室禪位電飭罷兵調邦棟爲高等顧問餘分別任用

十一月西山匪劉狗子率數百人自沙坪墟劫馬頭下焚屋六間殺鄉民三人次日劫峙冲范家又次日劫鯽魚塘駐軍及

## 宜章縣志

### 第七卷

事紀

二七

鄉兵截擊於石窩塘被反擊駐軍死十五人鄉兵死十餘人十二月白沙黃沙練團兵 除夕大雷雨

中華民國元年壬子 孫總理在南京就臨時大總統職改行陽曆

二月省派員到縣設禁烟局鎗決烟犯三名 省派員到縣設籌餉局指派殷實戶三萬餘元

三月設縣團練局 設教育會

孫總統辭職舉袁世凱爲臨時大總統臨時政府遷北京

四月成立臨時縣議會參事會商會農會

五月成立國民黨縣分部共和黨縣分部

七月改官制以知縣爲縣知事 設行政廳分民政財政教育  
警務四科 設審判檢察兩廳由司法司委推事一人以知  
事兼檢察官 設教員養成所 裁典史 裁白沙赤石兩  
巡檢

九月粵匪二十餘名劫深渡水周超類家鄉民追至大黃家後  
山擒獲匪徒馮玉古

陳亞言率匪數十人劫巖泉墟劉元茂店擄去男女三口貨  
物一空

十□莽山購槍辦團

時粵匪猖獗莽山士紳創辦永安團防募常備兵二十名預

## 宜章縣志

### 第七卷

事紀

二八

備兵四十名餉糈由田畝項下附加

二年癸丑二月正式選舉國會議員省會議員縣議會議員  
改勸學所總董爲所長 舉行驗契

十月一日粵匪五十餘名劫天堂灣何家謝家等處團兵追匪  
至思仁坳敗之斃匪六人團兵陳桂林陣亡

十一月四日政府解散國民黨並解散省縣議會

三年甲寅一月政府解散國會并取消進步黨 改行政廳爲  
知事公署 設地方財產保管處

四月郴州討袁軍到縣索餉旋去

時湖南第二師趙春霆部奉令改編駐郴營長鄔某頗具革

命思想適黨人張清源陳百川黃樹森在柳遂乘機結合樹旗討袁分兵畧郴桂各縣兵至我縣繳警槍四十枝索公款三千元商欸七百元呼嘯而去會湘粵軍進攻義軍敗張清源張自得蔡子音藍一清陳森劉廷揚等死之復設縣團練局次年解散 駐軍抄擄黨人數十家并拘禁家族多人

九月衡州人范某勾結粵匪三十餘人劫深渡水周超類家掠去男女三口

四年乙卯大饑每銀一元僅購米六斤

三月粵匪三十餘人劫東山坑擄去男女六口莽山團隊截擊

## 宜章縣志

### 第七卷

事紀

二九

於石坑壩奪回被擄人口

五年丙辰一月袁世凱叛國改元洪憲蔡鍔唐繼堯起兵雲南討之各省響應

六月袁世凱死副總統黎元洪繼任

七月赤石見雲龍長數丈自南而北止於瑤崗仙

九月西山匪劫栗源沙市擄去男女二十餘人

六年丁巳行屠宰稅印花稅 復設縣團防局 太平洞匪連

劫謝家天堂灣二次猪牛什物被掠一空 秤架匪四十餘人圖劫皂角山探知有備未敢入村退過莽山大廟被團兵截擊又竄原嶺譚代杰妻女及張廷古四人被害團兵沿山

追剿斃匪徒七人奪獲槍四枝

五月桂軍莫榮新率萬人由粵過境沿途拉夫擊斃漿水鄉民黃松成 創辦女子學校校址設舊教諭署 西山匪林祥劫栗木冲殺鄉兵余子諒及鄉民三人

六月長樂水漲聖公壇何家冲一帶冲壞民田七八百畝省賑會頒賑款三百元 大饑各團發公款平糶

七月張勳率兵入京擁清帝溥儀復辟大總統黎元洪出走八月段祺瑞率師討逆以馮國璋代理總統

九月會匪陳亞言入犯白沙團隊擊走之

陳亞言率匪百餘由三堡入白沙知事趙佳白檄總團及白

## 宜章縣志

### 第七卷

事紀

三十

沙莽山團隊會剿追擊於龜河大破之匪遁臨武

十一月 孫總理偕國會議員及程璧光等率海軍南下護法組織軍政府於廣州舉 孫總理爲大元帥

七年戊午護法軍湖南總司令程潛自岳州戰敗退駐郴縣

湖南民政處及各機關均移郴縣 設籌餉督辦處以程子楷爲督辦 籌餉委員鄧允霆到縣指派殷實戶五萬元 全縣陸續派軍米萬餘石草鞋數十萬雙

三月秤架匪首陳石奇等率匪數十名劫天堂灣謝家等處擄去男女二十餘人焚屋十餘棟畜物一空後費二千餘金贖回人口三分之二

五月軍政府改合議制設七總裁以岑春煊爲主席組織和平期成會興北政府進行和議 孫總理憤而離粵

十月新國會改選徐世昌爲大總統

李旺等率匪二百餘人謀劫黃沙爲湘軍周榮光扼阻由烏石洞退王莽山小黃家塆團隊不能禦焚民房二十餘棟畜物一空損失三萬餘元

十一月秤架匪陳鐵頭等三百餘人劫黃沙台霄袁家擄男女五十餘人竄至莽山天堂灣湘軍會莽山團隊擊潰之截回男女三十餘人

八年己未一月地震 湖南總司令部及民政處派員來縣拍

## 宜章縣志

### 第七卷

事紀

三一

賣全縣營產得地價一萬元又全縣官產三千元

四月粵匪陳蘭茂等劫良口王家

是月二十夜間匪圍良口擄去王宗昭兄弟家屬二十餘人宗裕妻譚氏恐被辱投水死工人一名被害損失萬金

五月縣知事劉運鴻拆城牆就考棚改建高等小學校 改築舊守備署爲縣立女子國民學校 莽山築碉堡七座禦匪八月陳石奇張青世等匪百餘人劫深渡水周超類家擄去男婦十餘口破產贖回

九年庚申八月設六團事務所

時大軍雲集議會停頓縣府窘於應付權行設立代行議會

職權 陳炯明率師回粵軍政府瓦解 沈鴻英率部隊萬餘人由乳源徑筲籬境入桂陳嘉佑與戰於車田敗績  
十月設冬防委員駐巖泉墟

十一月孫總理偕國會議員返廣州恢復軍政府

十年辛酉一月粵匪劫黃沙笠頭洞謝書蘭家擄去男女六人未數月又劫包家團局長包超被戕 停止六團事務所

四月國會在廣州議決中華民國組織大綱選舉 孫總理爲

大總統 設臨時縣議會

十一年壬戌趙恆惕公布省憲法我縣選舉省議員二名

上年五月至七月無雨大旱成災呈報省長請賑 設華洋籌

## 宜章縣志

### 第七卷

事紀

三二

賑分會 省賑會發高粱二百石到縣分團賑濟 莽山團

防搗破陽山安家水匪巢斃匪十餘人獲鎗七枝

四月 孫大總統誓師韶關遣將北伐贛南底定

五月鄧允霆率匪軍蹂躪白沙旋爲張以祥收編

允霆率歐木生林彩雲等千餘人假討賊軍名義盤踞白沙

勒索民財二十餘萬米七百石姦淫焚殺無所不至聞湖南

憲兵抵縣竄栗源堡又索款數百元爲郴縣知縣張以祥收

編始離縣境

徐世昌解職黎元洪復任大總統

六月陳炯明在廣州謀叛圍 總統府黨人強挽 孫總理登



楚豫兵艦北伐各軍分駐閩湘邊境待命

九月依照省憲法選舉縣議會議員 縣議會投票決選趙恒

惕為省長 臨武匪警總團移駐白沙各團派兵二十名協

助 縣議會咨請縣署將歷任長解款項及軍隊前後借款

准予抵解田賦 咨稱劉前知事一任內近口白沙栗源赤石四

欣任內地方墊借之款前三萬有奇雖有田賦解項明文迄未軍現

等語旋准縣署復稱劉前知事任內田賦項下第一次軍米

賦一萬四千餘元又長解八年田賦洋邑賦二千二百餘元九年數

借抵回其餘各軍之款有奇係由七月署挪來為數二萬有奇撥解

陳旅長前以祥陸軍第一師八百餘元又撥解陳旅長及

遊擊張司令四祥陸軍第一師八百餘元又撥解陳旅長及

十月沈鴻英率兵二萬假道回桂

沈軍二萬餘人由贛回桂道過縣城凡五日軍米伏役概由

地方供給沿途滋擾公私損失五萬餘元

十二年癸亥一月十五日粵軍旅長謝文炳被沈軍擊敗由樂

昌入駐縣境索米二千餘石兩月始去

孫總理在廣州組織大元帥府

省賑會撥款賑災

連年水旱成災兵匪迭起人民顛連困苦籌賑分會為民請

命經省議會議員縣人鄭鴻鈞彭旭在省力爭始撥三千八

百元到縣分團散放

### 宜章縣志

### 第七卷

事紀

三三

南嶺山匪李祖濤李贊易入駐縣境發生內鬨祖濤死於清水  
江知事朱樹欣爲地方治安起見令商民捐款千餘元助贊  
易軍餉旋爲駐郴團長汪磊收編

實行田賦附加

民餉每兩附加小洋三元三毫三仙屯餉每兩附加一元六  
毫三仙分別支配各機關經費

預徵十三年田賦

譚延闓自粵率師回鄉省長趙恆惕拒之兵起餉絀令預徵  
次年田賦

縣議會拒絕軍事借款

### 宜章縣志

### 第七卷

事紀

三四

縣議軍會咨縣政府文畧稱縣賦正餉不滿九年長解田賦一  
來籌軍米者六次籌軍餉者十餘次民不滿九年長解田賦一  
萬零百斤售陳小洋十長嘉元前第六旅一萬餘元現米價奇昂  
每米百斤售陳小洋十長嘉元前第六旅一萬餘元現米價奇昂  
首惟二一縣人招撫匪首鄧允靈兩團先後五日生凌彩雲等  
聚集二千餘人盤據白沙籬兩團先後五日生凌彩雲等  
財二千四百萬元始將七百餘石濞掠去無一所不駐又籌開  
費奉調去開留防兵一連在縣變元及括民營長聞變五百元  
長兵始去開留防兵一連在縣變元及括民營長聞變五百元  
該叛萬人由竄坪石過縣境栗源籬等團逗留七八日始行各  
部四萬人所過之地寸草不留甫過大軍續來勒令七團二驍十  
年去寡婦受辱自盡陳王甫過大軍續來勒令七團二驍十  
此往彼後來前夫相續令後下田禾無人收穫各團之招待費  
伏未回後來前夫相續令後下田禾無人收穫各團之招待費  
先後用去萬餘元其餘陸續籌借之款合計一萬四千餘元  
抵解徒成虛語指索無窮期云云

十三年甲子中國國民黨改組容共并發表第一次全國代表

大會宣言孫總理北上主張召集國民會議

九月十七日粵匪江祥等圖劫雙溪知有備不敢入沿途劫姚姓數家擄去男女四口

十月攻鄂軍總司令程潛遣李國柱王邦吉兩旅入境陷縣城團長張元達自殺張國威能震兩團敗程部於摺嶺李國柱退樂昌王邦吉自臨武經潭源洞入莽山折回樂昌是役我縣損失數萬元莽山損失三千餘元

十二月宋鶴庚率兵五千人自粵來至宜汝界師潰由何健李品仙收編

十四年乙丑夏大雨雹巨者重十四兩章水產狔猪身人面者

## 宜章縣志

### 第七卷

事紀

三五

三 莽山團隊破平溪深洞匪巢三處斃匪七人獲槍三枝設國民黨部選舉執行監察委員

十五年丙寅八月 總司令蔣中正自粵率師北伐任唐生智爲湖南省政府主席取消省縣議會設立省黨部 改勸學所爲教育局 設農民協會各團設分會

國民政府自廣州遷武昌

十二月共產黨與團隊決裂

共產黨楊子達等久欲組織農軍以槍枝在總團手不得逞遂於是月圍繳駐香花樹下團隊槍三十枝又以數百人進逼漿水被總團截擊斃二十人追至梅田又斃四人總團以

農民無知不忍轟擊退回漿水  
共產黨執縣紳胡裔蒸旋釋之

團共戰後共黨遷怒白沙人任意焚殺人民咸惴惴不自保  
特舉胡裔蒸到城請援中途被執指爲土劣電請省方處決  
適縣紳李燊等在省竭力營救胡紹唐劉占甲又以團兵脅  
之始免於難

十六年丁卯三月二十七日共黨殺良民黃某四人商民大恐  
黃方濤赴坪石向胡司令鳳璋請兵

團局長鄺鏡明率兵夜入縣城殺共黨李佐明

共黨凶橫農民多被煽動鄺鏡明暫避凶鋒開赴坪石歸胡

## 宜章縣志

### 第七卷

事紀

三六

司令鳳璋收編其父紹任先被共黨拘禁鏡明於二十九日  
夜率隊潛襲縣城救父出獄仍返坪石 共黨殺近城西鄉  
農會會長李仲棻

四月胡司令鳳璋率隊來縣共黨遁

胡司令率鄺鏡明歐陽炯各部來縣共黨聞風遁 縣長劉

基祉退郴委乳源鄧光漢代理縣長旋以江西羅其勛繼任

國民政府定都南京

五月有蝗爲災 石爻洞雄雞化爲雌生二卵畧小 馬日師  
長許克祥等在省通電清共

七月陳士虎率兵進踞縣城

士虎奉宣撫使方鼎英命來湘收編部隊適胡鳳璋去縣遂乘機進據縣城委曹子奇代理縣長次日周榮光率六軍進擊陳遁臨武宜臨團隊多被勾結聲勢復壯進窺嘉禾失利團隊散歸各縣陳隻身返粵

共黨黃文燦等嘯聚上鄉寶蓋山張天坪旋經范石生收編被縣人告發文燦伏誅

八月縣長楊孝斌蒞任旋以事棘走郴公舉縣人黃得珍攝篆並補充挨戶團槍枝十二月初楊回任

十一月湘軍許克祥師鄂軍蘓師駐縣十餘日開赴北江

十二月范部王楷在仁化譁變潛襲縣城縣長楊孝斌黃得珍

## 宜章縣志

### 第七卷

事紀

三七

及各機關人員多被害

王楷卽朱德由俄回國投效范石生部下任團長收編流氓土匪胡鰲楊子達高靜仙陳東日等適潛伏乳源境遂相結合假十六軍旗幟長驅入犯縣人誤認爲駐防設筵款之官紳齊集酒未半巡楊子達高靜仙等統率共黨突至執楊縣長孝斌前縣長黃得珍挨戶團副主任劉秉鈞黨部常務黃方濤保管處員蕭星若隊副陳茂全副官彭亮分隊長谷寅賓下士杜本甲等出西門槍殺之方濤秉鈞死尤慘同時進攻在養正書院駐紮之保安隊隊長鄺鏡明率隊抵抗卒脫險赴郴請兵偕同詹團長督兵南下援縣踏雪進兵

笆籬栗源兩堡組織鏟共隊

時三堡居民以共禍日亟合謀自衛富室墊欸組織鏟共隊  
笆籬推劉統楷劉占甲余峻爲隊長栗源推胡紹唐李樹森  
胡占華爲隊長并推狗牙洞鑛警隊長馬昌爲總隊長

十七年戊辰一月一日獨立旅詹團長收復縣城朱德竄黃沙  
十日許師長克祥與共產黨戰敗績縣城復陷

許師長時駐師樂昌聞警星夜馳赴巖泉墟堵剿伏發軍潰  
詹團聞風遁共黨長驅入城北陷郴耒湘南大震

共產黨在縣設蘇維埃政府陷黃沙堡城

共產黨既駐縣城設蘇維埃政府於公署以毛科文爲縣長

## 宜章縣志

### 第七卷

事紀

三八

肆行焚殺人多慘死圍攻總團於黃沙堡數日堡城陷教練  
李時春排長李華林局員杜煥章死之分隊長李紹文率陳  
寅春陳自得兩排突圍出屯粵邊待援共黨復進犯笆籬堡  
遇莽山團隊迎擊共黨死四人團兵死一人團隊卒以衆寡  
不敵退敗 共產黨焚笆籬公所

二月共產黨殺洛閣鄧賢朗之妻李氏時當正午無雲而雷並  
殺寺門生員胡清潭夫婦及上珠生員蕭獻琛

三月十六日十六軍軍長范石生至縣共黨遁委張春芳代理  
縣長半月縣長蔣棣華到任 共產黨大隊竄郴境赤石蘓  
維埃政府兩月後始取消笆籬之王光佑栗源之譚新陳仲

璋黃沙之李兆甲黃龍白沙之鄧開古赤石之余經邦等隨在暴動一二兩月爲最恐怖時期郴宜兩縣難民南逃樂昌城者數千人縣紳向商家募得數千元分給之樂昌上鄉黃埔甘棠鎮等處安集數百人事定始歸

設清鄉委員會 改剷共隊爲清鄉隊分六支隊

四月設善後委員會分總務軍事財政教育各股辦理善後事宜

五月設武裝教練所招學員六十名六個月畢業

六月清鄉各隊攻聖公壇匪巢破之擒僞營長曹嗣仁連長王廷槐王廷芳解縣正法餘匪竄乳源邊境經乳源團隊截擊

## 宜章縣志

### 第七卷

事紀

三九

陣斬謝求興獲王廷雄王光榮等誅之餘黨悉平

七月朱德襲郴州十六軍王團兩營長戰死援軍反攻復郴城清鄉隊連獲共黨吳泗來毛科文顏子樂楊佩蘭誅之

恢復縣挨戶團 設餉械監理委員會

九月省黨部派袁水清等到縣設立縣指導委員會 裁財產保管處設財政局

十一月蔣縣長棣華出巡各鄉護從百餘人各區忍痛招待耗費二千餘金 財政局長張孝良以國家稅及地方款統歸財政局管理

十八年己巳設賑務分會以賑款修築白沙黃沙間公路

赤石饑縣賑會頒款千元周毅等復募捐購米散賑  
十一月正式成立縣黨部執監委員會

十九年庚午一月設自治籌備分處劃分區鄉計一區五鄉二區五鄉三區四鄉四區五鄉五區四鄉六區五鄉凡六區二十八鄉 設民眾圖書館 設財政委員會

五月莽山大水成災

時霖雨三日夜半天塘灣南營莊一帶山嶺崩裂百餘處沙石雜下竹山壩村落二十餘家首被沖洗竹木器具蔽江而下水勢益橫大廟團局學校概被漂流教員學生團兵居民死者九十九人田被沖刷不能復業者千六百餘畝報經賑

## 宜章縣志

### 第七卷

事紀

四十

務委員會履勘新民田賦分別豁免詳財政志

財政局復劃出國家稅專管地方財政

九月縣長蔣棣華侵吞路款苛徵田賦省令撤職查辦鍾卓齋  
繼任

十二月李明瑞張孝逸由廣西入犯湘粵官軍擊走之

李張率八千餘人由桂入境其鋒甚銳湘軍唐團長督回挨戶團堵截於鳳頭嶺乃改道乳源會粵軍迎擊始東竄江西二十年辛未組織泥木工會縫紉工會學生自治會及原有農會商會教育會由縣黨部登記並監督指導之 改挨戶團  
爲保安大隊



七月設劉共義勇總隊部

一總隊部設總隊長一人由縣長兼任副隊長三名總炊事兵一人督練六  
支隊部支隊長以各區長兼任副隊長各事務員各一人由  
各區助理兼任設以二十區中隊副隊長以各鄉長兼任  
百二十四分隊分隊長以各保長兼任槍兵二千六百九  
組組長以各甲甲隊長兼任總隊部長原有槍兵二千六百  
一隊排槍兵各排三十名共槍兵一百一十名共計槍兵  
裁減有槍兵各排三十名共槍兵一百一十名共計槍兵  
有所轄普通隊全年一縣共計壯丁三萬二千七百五  
有經臨各費全年一萬三千八百一十九元民國二十  
附裁後全年經臨各費共七千五百一十二元歷年由田賦

九月唐生智遣顏伯剛率師自粵援湘進駐縣城縣長廖炳文  
出走顏委羅稻仙攝縣事一月後顏部返粵羅隨去廖縣長  
回任

宜章縣志

第七卷

事紀

四一

十八日日軍占領遼寧

二十一年壬申春於各鄉要隘建築碉堡一百一十三座

時匪勢蔓延當局令各縣建築碉堡以資守禦計分甲乙丙  
三種甲種可容三排乙二排丙一排磚石取之寺廟亭塔人  
工則徵發民夫勞役經年方始告竣

考碉堡之制金川土人皆居石碉其形如方塔向上遞狹四  
壁陟削自碉眼以瞭遠擊賊滇省土人則累石為室高者十  
餘丈名曰碉房即以此為住室乾鳳永保各廳縣築之起自嘉  
慶五年湖南知府傅鼎於湘西乾鳳永保各廳縣築之起自嘉  
險築碉誠以制一夫當其時火器未進步且湘山多道狹扼  
弗去故為防苗匪法我縣情形既異各碉堡率築於山巔村  
側非要害處不能終日守也而附近寺廟亭塔皆毀於山巔村  
教育局長李華春建築圖書館於本局之前廳 設平民工廠

於養正書院 設林務專員并闢舊教場坪爲苗圃 擴編保安大隊爲保安團二十二年癸酉遷平民工廠於舊教諭署及明倫堂並改造之

六月改編宜章保安團爲湘南保安第五團仍以李世英爲團長轄三營寧遠何卓爲第一營資興程震霆爲第二營本縣保安團縮編爲第三營初以程紹川爲營長旋以姚開平繼任

八月粵匪梁才梁英及地匪黃庚明邱貴太李兆甲等掘故團防局長周濬安墳

莽山團防民元爲周濬安等所創立安死後全境匪化翼

## 宜章縣志

### 第七卷

事紀

四二

儒士紳皆他徙濬安子正羣於二十一年回鄉招集流亡恢復鄉公所以陳名舒爲鄉長黃天祿爲隊長獲悍匪黃文秀黃萬生誅之並整理保甲實行家連坐村連坐之法匪黨恨之刺骨遂發其父墓而擄其屍慘刻無人理正羣控於湘粵當道經兩省派兵搜捕除黃仁秀一名在逃外餘均先後捕獲正法鄉人感涕捐資於鄉公所左側建立周安公祠以祀之

十月黑殺黨楊紹績殺甲長李家棟

二十三年甲戌小有年

二月保安第五團及第三營經第八區保安司令調郴解散其

團長營長解赴省保安司令處決

三月蕭克率部八千餘人經赤石平和西竄桂陽

蕭克率部八千人由贛西竄至郴境走馬嶺宿營五日郴城樂昌同時駐有大軍防堵由是西竄桂陽

十月朱毛大軍全部西竄縣城陷

朱毛全部西竄至赤石時分三股一由平和出良田向桂陽一由西鄉出麻田趨嘉禾一由白石渡陷縣城經梅田漿水趨臨武號二十餘萬前隊至縣城時我縣防軍只有保安團李連長一連及本縣之義勇隊二百餘人分守附郭三碉堡是日黃昏朱部以後山碉堡俯瞰全城易於攻取遂併力進

## 宜章縣志

### 第七卷

事紀

四三

攻激戰半夜縣長時在梅田恐人槍并没反以資敵電令撤退總隊副程紹川遂率所部退保黃沙是役全縣損失不可數計共黨遺失槍械千餘赤石局長謝梓材事先撤至唐村俟大軍過截擊後隊獲槍最多其餘一二兩區亦有所獲

十一月黑殺黨楊紹績殺北鄉甕口村甲長李範魁

十二月設清剿委員會

朱毛大軍西竄餘黨仍潛伏縣東北各鄉脅迫民衆秩序騷然以其黑夜殺人故呼爲黑殺黨湘南保安司令段珩呈請將郴宜劃爲剿匪特別區域縣令組織清剿委員會委員均以各機關主體人員充之以教育局爲會所分總務財政

宣傳保甲四股除辦理清剿工作外同時調查戶口整理保甲限六個月完竣

共黨首領楊紹績及歐某率部投誠編爲反共隊

清剿委員會實行清剿共黨大懼楊歐率部百餘人投誠編爲反共隊以楊紹績爲隊長歐副之訓練一月令往各處宣傳共黨之錯誤工作完畢發給自新證遣回原籍

二十四年乙亥二月共黨李宗保竄麻田泗溪鷓鴣坪等處殺田賦徵收員陳德本入天光山復竄入郴境黃茅

設收音機於中山樓歲支公帑六百六十元 笆籬東南鄉有虎患男女死者十餘人聘郴人以藥弩射殺之重三百餘斤

## 宜章縣志

### 第七卷

事紀

四四

四月資郴匪黨大隊犯上鄉長策村人歐永傳率壯丁禦之以衆寡不敵被戕

八月設財政整理委員會

田賦徵收員向由各區舉薦徇情舞弊時有所聞綜計歷年逋賦積至五萬餘元曹縣長家銘特召集各機關人員組織財政整理委員會清理舊欠規定徵收辦法以七成歸公三成提獎委李紹文爲徵收主任李文英副之分赴各鄉催收九月曹縣長家銘於縣署大堂側設櫃徵收田賦

初光緒二十八年周令繼昌改革徵收辦法設櫃大堂側令民自行投櫃繳納後經停辦至是當局感於徵收田賦方法

之不良爲統一徵收而便監視起見復於大堂側設櫃徵收  
徵收員由縣府遴用改製糧券列載各項附加名目錢數多  
寡俾人周知以祛積弊

十一月楊紹績叛伏誅

二十五年丙子夏旱官民禱雨犀牛口得雨

四月赤石黃溪水大漲壞民田數百畝

八月至十月大旱省賑會頒賑欸三千元到縣

十月共黨李林部殺近城官坑冲梅家男女七人 購買長沙

萬慶街房屋爲本縣駐省同鄉會

十一月設社會軍事訓練總隊部

## 宜章縣志

### 第七卷

事紀

四五

十二月曹縣長調省謝則超接任僅半日省電以其在河南某  
縣任內交代未清撤之曹縣長仍舊視事

奉令設立宜章稅務局

初以縣長兼局長三十年一月設局長專任

二十六年丁丑二月縣長范宗文到任

四月實業部派森林調查主任張國寶及測量地質各種技師  
赴莽山實行調查森林測量土地試驗地質經七月之久方  
竣事遂將香子坑崖子石石坑壩太坑棚等處詳報實業部  
經部核准劃爲國有第四林區擬即設立森林局修築鐵路  
實行原定計劃以軍事起中止

五月赤石大水各河流俱漲平和洞竟成湖泊 義勇總隊部  
改爲保安警察隊 裁公安局改局長爲警佐 裁財政局  
併入縣府二科辦理 設衛生醫院改造文廟大成門前兩  
旁雜屋爲醫務所月支地方公款二百元

七月七日日軍犯蘆溝橋中央實行抗戰並行徵兵制  
八月共黨李林部殺近城官坑冲胡姓男女八人

十一月社會軍事訓練總隊部改爲民眾訓練總隊部 黑殺  
黨殺近城范姓二人 成立抗敵後援會

二十七年戊寅四月大雨長樂武水均暴漲壞秧田無數

六月秦縣長佑農蒞任行廢區併鄉制全縣劃爲十八鄉 成

## 宜章縣志

### 第七卷

事紀

四六

立民衆動員委員會 成立縣軍事參議會 各保保長全  
體調桂陽受訓 成立縣自衛團 各區高小校校長由所  
在地之鄉長兼任另委副校長一人管理校務 縣黨部改  
爲書記長制

二十八年己卯就文廟創設湘南中學校 秦縣長佑農隊附  
牛世緒赴四五兩區辦理勦撫事宜擒獲匪徒五名就地正  
法其姚秀峯李傳鑑等許其自新

四月改財政委員會爲財務委員會委員五人分審核出納二  
組

五月二十四日金華鄉破獲匪徒八名解縣正法

先是匪首李元璋等秘密組織農民救國會黨羽百餘人設機關於山下冲黃石林家五月二十四夜劫殺第二保甲長黃炳南父子鄉長黃鵠翥巡官楊子俊探悉匪巢會隊掩捕獲李元璋等八名解縣訊實正法並購緝在逃黃老四一名餘准自新

十二月秦縣長出巡視察鄉政整理積穀 各鄉保長調縣受訓 行三警合一制將行政保安公安三警隊合編成立警察局移設舊警察局原址

二十九年四月奉令每鄉設立中心學校一所每保設立保國民學校一所三十年一月起分期實行

## 宜章縣志

### 第七卷

事紀

四七

五月十四日卽夏曆四月⊕八日大雨章水暴漲衝沒田廬無算同時岑南岑麓兩鄉亦盛漲成災

夏曆四月□日大雨如注章水暴漲夜半深逾三丈次日侵曉雨止水漸消衝毀章橋市店二十餘棟寡婆冲民房十餘棟人畜死者亦多近溪低窪稻田被冲刷者數千畝橋梁車壩悉圯損失百餘萬元爲百年來未有之鉅災岑南岑麓兩鄉被災稍輕久之始由官署派員察看呈報省政府奉准一律按八分成災普免六成田賦銀四十八兩二分四釐申合國幣一百一十五元七角三分其團款及一切附加并應隨同正賦蠲免成數一律蠲免復經行政會議團款附加仍照

向例辦理實惠及民亦僅矣計蠲免田賦章水鄉一千八百一十二畝一分六釐岑南鄉四百八十畝岑麓鄉一百四十三畝四分合計二千四百三十五畝五分六釐省府決議交民政財政兩廳會計處核辦急賑待賑二千九十三人賑款若干亦未奉到明文

九月廣東省政府修築星坪公路由連縣星子至樂昌坪石中經我縣境約七十里徵用我縣民地并派工人數千

十二月奉令撤教育局改爲教育科  
教育產款經理處仍舊由縣政府會計處管轄均三十年一月實行

宜章縣志

第七卷

事紀

四八

奉令撤財務委員會由湖南省銀行宜章辦事處代理縣金庫掌管縣欸收支三十年一月實行